

# CHANSON NEVE

VAR SUJET

## EUR BROMESE FERVANT HAG EUR SEPARASION ETRE DAOU DEN YAOUANK

Var don ar *Fauz Promese.*

Prosternet e ma c'halon  
N'ho prezans, Bretonet,  
Vit goulen o c'hattansion  
Eur momet en sekret :  
Me disclerio en guirion  
Eur bromese fervant  
Hac eur separasion  
Etre daou den iaouank.

Na fell ket din er poent-man,  
Dont d'abuzin paper ;  
Sujet avoalc'h a gavan  
Hep asten ar matier.  
Eur re-bennag, marteze,  
A guemero an er  
Da meprizan ma bue,  
Dre ma c'hespliki skler.

N'on ket digu a droug-zello,  
Pa n'am anavcet ket,  
Rac zavantoc'h evidon  
A zo bet a'en leayet.  
Ebars en laso Venus  
Hac e mab Cupidon  
Pere a rent maleureuz,  
Sivoas ! meur a galon.

Me zo eun den iaouank  
Hac a meus consentet  
Karout eur plac'h iaouank  
Dign da vean karet ;  
Vit dirag ma daoulagad  
Na meus remerquet hini  
Da gad eun er ken agreabl  
Herve ma fantasi.

Vel gant Doue inspiret,  
Da ouel an Assomption,  
Me a zo bet azeet  
N'he c'hichen, 'n eur pardon.  
En parouz Pleudaniel,  
Kichen eur goz iliz  
Eur plas devot a zantel  
Goude fin an ofiz.

Eno Var douar ar Verc'hez,  
Me meuz bet remerket  
He skiant hac e furaz  
Ha memez e genet.  
Me meuz groet jeflescion  
Ha n'em sonjet erfat  
Na m'omp biken separasion  
Vit mar be ze d'he grat.

Abofter ma iaouankis  
A neus ma arretet  
Bet a voan vit n'em diviz,  
Ha pa meus ket kredet  
Parlant dei e nep fesson  
Demeus ar garante  
A zauten bars em c'halon  
'N he c'hever en deze.

Nao miz om bet en guirion,  
Hep en em racontri  
Delc'het ho c'hattansion  
Iaouankis, me o suppli  
Aman e teu Cupidon  
Gant eun ardeur neve  
Da alumni, 'n em c'halon  
Elemancho a garante.

Annous a riz d'ar plac'h-se,  
O vont d'enn assemble  
Penez am boa bolante  
Da gat e c'hamitie :  
Hac evit 'n em assuri  
Dous he fidelite,  
A mient goulot diganti  
Ober din promesse.

AR PLAC'H.

« Ma mignon, nimp so iaouank  
D'ober promesseou :  
Gant ann disteran tourmant  
A chanch hon ideon ;  
Mar torfemp hon promesse  
Hac ober eur parjur  
Me fell din en em bue  
Kavel eur guir assur. »

AR POTR.

« Biryken an amzer fall  
Na allo distrujan  
Ar garante leal  
Pihini a dougan ;  
Mes me zo en disfians  
Demeus ho carante ;  
Roet din ann assurans  
Vit ar rest hon bue. »

AR PLAC'H.

« Arsa eta, ma mignon,  
Pa omp en plas hirie  
Na vo quet dre draison  
A ri dec'h promesse

Kemer a refomp vit test  
Eun avocat a Dreguer,  
Rac on c'halon so c'hoas fresk  
Da chom hep culateur. »

He dorn en em hini,  
Prosternet d'an daoulin  
Dirac Sant Ervoan-Elouri,  
Mab-henan Korvarzin,  
En ilis ar Minihi,  
An naontek a viz mae  
A prometjomp dimezi  
Hon daou ann eil d'eguille.

Sekret ve ar promesse  
Dirac eur bopl a leiz,  
Pere diret en de-ze  
A bep coste a Vreiz.  
Da velet penn ho avocat,  
Dre guir devotion,  
A douger var eur braecat  
Bars er procesion.

O solennite joaüz  
Evit eur popl a fe ;  
Biskoas de ken evuruz  
N'em boa cat em huc,  
Zantout a ran ma c'halon  
Val benet mesk ar joa ;  
Mes ret e cat separasion  
Rac an noz a dosta.

AR POTR.

« Arsa, plac'h iaouank fidel,  
Poent eo dispartian,  
An heol zo arri izel :  
Leket din breman  
Eun termen d'a n'em gavet  
Herve ho polante,  
Rac pell a omp separet  
An eil deuz eguille. »

AR PLAC'H.

« Dé eisvet ar Zacamant  
Bars en kær Landreguer,  
Zo eun assamble charmant  
Gant ar bobl ar c'hartier :  
Mar be ze d'ho polante,  
Hon daou n'imp ario  
En Landreguer, en de se,  
Goude ar gouspero »

AR POTR.

Var kement-ze, merc'h iaouank,  
Me souet dec'h bonsoar,  
Gant kals a agreamant  
Me a dalc'ho memoar,  
D'an termen a c'heus fiseset,  
Kredet me 'nem gavo ;  
Na vefomp biken separet,  
Vit ar rest on deyo.

Pa ariis bars er guer,  
A meus bet ispliket  
D'eun tad a d'eur vamm tener  
Ar bromesse moa gret.  
O daou a skuljont daero  
O c'hanaveout mo chanz ;  
Mes n'os eo pell a zo,  
Reposomp en silaus.

Kerken e vanez kousket,  
Vel' n eur ravissamant,  
Hac e meus bet remerket  
Eur groas ker a arc'hant,  
Ha varni eur garuneu  
Ornet gant greun perles,  
Pozet en kreis eur bleaen  
Eu kichen ma mestres.

Dre spont on bet difunet ;  
Mes goelet meus bet erlat  
Ma mestres bars'n eun archet  
Dirac ma daoulagad :  
Bet on-pell o vemorin  
Var sujet kement-ze ;  
Mes rabet eo 'n droublin  
Ait actou eun unvre.

Tostad a ra d'an termen  
Pini m'amp asiuet ;  
Mes goelet a ran eun den  
O tonet d'am c'havet :  
Roet neus din eul lizer  
A zo bordet en du ;  
Petra zo var ar paper,  
Ret eo goelet dustu.

Al lizer.

« Salut deoc'h ma guir vignon  
« C'hoas eur vech, dre speret ;  
« Ninquet d'an assination  
« A moa dec'h promettet.  
« Skoet on gant eur c'hlevet,  
« Me gret vit ar maro,  
« N'omp ket gant Doue choaset  
« Vit bean prijeto.

« Ma be a deui da gleuzan  
« Var ben neubent amzer.  
« Vit ar vech divezan,  
« Adieu, ma servijer,  
« Gras dimp da gaout chans,  
« D'an n'em velet er gloar  
« Evit hon recompans. »

AR POTR out-ha : he unan.

« O bleuen ken florissant,  
Mar kouees d'an douar,  
Tout ma oll agreamant  
A chancho en glac'har ;  
Oll esperans ma deo,  
Plijadur ma bue.  
Assembles guenit a goco  
Da repos bars da ve.

Rabet eo disconsoli  
Vit gulet al lizer,  
Ann termen a so arri,  
Vare'hoas, en Landreguer,  
Me a glevo a beurs mad  
Ha guir eo kement man ;  
Ar paper a lest lakat  
Sort a guerer varnan. »

Arri bars en Landreguer,  
D'an termen asinet.  
Vel ma sonnaz peder heur,  
Me meuz bet infantet,  
Eur plac'hik iaouank, o tremen,  
Lapet d'he c'hamaradez :  
« Sell aze, emezi, eun den  
Zo maro he vestrez. »

Poignardet eo ma c'halon  
Ken a feliu ma goad  
Vit klevet he declaration  
E c'havansis d'he c'hat :  
« Respont din, merc'h iaouank,  
Mar be ho madelez,  
Me a c'houl humblamant  
Penez a ra ma mestrez. »

AR PLAC'H IAOUANK.

« Na servij het, den iaouank,  
Rei dec'h anoudegues ;  
C'houl a zo bet eun tirant  
En andret ho mestrez :  
Hi divoar goele ar maro  
A lekas he foan  
Da skrivan dec'h ar c'helo  
Mes c'heus ket groet a van.

Me a moa e c'hasistet  
Da skrivan al lizer  
Goude ma franchisset  
Ha roet d'ar facteur,  
Hi finissas he bue  
D'ar goener d'abarde,  
Ha herie deus ar henre  
E diskennet 'n he be. »

AR POTR.

« Me moa kals a esperans  
A voa sauz al lizer,  
Pe groet gant tud a blezans  
Vit tremen ho amzer.  
Mes ho komzo ken pikant  
A boes var ma speret.  
Me a lar dec'h, merc'h iaouank  
Kenavo 'r c'henta goelet. »

Kouitat a riz an assemble  
Occupet ma speret :  
Rak me en em vel hirie  
Maleurus var ar bed.  
Ma mestres a zo maro  
Ha me a chom breman  
Da dipitan ma deo  
Var he lerc'h er bed-man.

N'avean ket ar matier  
A galmfe ma glac'har ;  
Me na mo ken mes malheur  
Biken var an douar,  
Pa velan peguen iaouank  
E c'he deud ar maro  
D'am plomji bars en tourmant  
Deus a greis ma joaio.

Servij ket din chom aman  
Da ispliken kanvo  
Rak na allan ket kanan  
Ha goelan var eun dro ;  
Supplian a ran Doue  
Maro var ar C'halvar  
Ma recevo he c'hine  
Ha nimp oll en he gloar.

Groot gant PIERRE RÈSON,  
Goude bean recevet m. deklarasion  
Digant eun den iaouank dezolet  
Gant glac'har d'e vuan karet.

(Propriété de l'Éditeur.)

